


SECTION

6

ABOSOMDIN NE  
BRAGORO



# AMAMMERɛ NE AMANNEɛ, NE AKANFOɔ AMAMMUO

## Amammerɛ ne Amanneɛ

### NNIANIMU

Saa ɔfa yi da Ghana mmusuakuo ahodoɔ abosomdin ahodoɔ no adi wɔ bere a worehwe wɔn abɔsee wɔ wámammerɛ mu. Ebeboa wo ama woahunu senti a wɔbaeɛ ne abosomdin ahodoɔ no so mfasoɔ. Saa adesua yi beboa ama woate abadintoɔ ase na ama wode enidie a efata ama Ghana amammerɛ ne amanneɛ ahodoɔ no. ɔfa yi san kasa fa ekwan a yefa so pagya mmabunu kɔ wɔn mpanin mfee so (Bragorɔ). Mpensempensemu yi behwe nneyee ahodoɔ a eɔa adi wɔ: ansa na wɔbegoro bra, bragorɔ no ankasa enna bragorɔ no akyi dwumadie ahodoɔ a ekɔ so wɔ w’amammerɛ ne afoforoɔ deɛ mu wɔ Ghana. Wobesan asua mfasoɔ a ewɔ bragorɔ so ma asakyima, n’abusuafoɔ ne ne kuromfoɔ nyinaa. Eɛe sɛ wotumi kyere nneema a esese ne deɛ eɔa nso wɔ ekwan a wɔfa so pagya mmabunu kɔ wɔn mpanin mfee so wɔ Ghana mmusuakuo amammerɛ ahodoɔ no mu.

#### Adesua yi beko awieeɛ no:

- Na woasua abosomdin, wɔn abɔsee ne wɔn dwumadie.
- Na wotumi pensempensem ekwan ahodoɔ a wɔfa so de ɔbabunu bi kɔ ne mpanin mfee so (bragorɔ: ansa na wɔbegoro bra, bragorɔ no ankasa enna bragorɔ no akyi dwumadie ahodoɔ)
- Na wotumi ye ntotoho fa akwan ahodoɔ a wɔfa so goro bra wɔ Ghana mmusuakuo ahodoɔ no mu no ho.

#### Adwempɔ ahodoɔ

- Abosomdin ahodoɔ no abɔsee gyina ɔbosom pɔtee bi so
- Ayɔnkofa amapa da abosom ne ewiem atumfoɔ no ntam
- Wɔda wɔn abakɔsem adi kyere wɔn a wɔsom wɔn no

- Bragoro ye Akanfoɔ amammerɛ bi a wɔye de pagya wɔn mmaayewa ne mmarimaa kɔ mpanin mu.
- Esan nso kyere ekwan a wɔfa so gye onipa bi tom wɔ fekuo bi mu.
- Wɔye bragoro ma mmaayewa ne mmarimaa nyinaa.

## ABOSOMDIN AHODOɔ

Wɔde edin ahodoɔ bi toto yen so esiane twaka a ɛda yene ewiem atumfoɔ bi ntam nti. Wɔfrɛ saa edin ahodoɔ yi se **abosomdin**. Ansa na wobesua biribi afa abosomdin ho no, ɛse se wote asemfua **abosom** asekyere ase yie.

### Ɛdeen ne ɔbosom?

Abosom ye ahonhom a wɔtumi ye mmaa anaa mmarima. Wɔye ewiem atumfoɔ a nnipa a wɔwɔ gyidie bi se biribiara a ɛbɛkɔ so wɔ wɔn asetena mu no, ɛye adeɛ a abosom no bɛtumi aye ho biribi no na wɔsom wɔn.

Saa abosom yi wɔ honhom mu tumi kɛsee. Yɛtaa de ɔsom mu gyidie ne emu nnwuma ahodoɔ gyina hɔ ma wɔn. Saa ahonhom yi tumi ye mmarima anaa mmaa. Ɔsom mu ahonhom a wɔye mmarima ne mmaa no mu bi ne Zeus, Apollo, Athena, Aphrodite, Artemis, ne deɛ wɔkeka ho. Ghanaman yi mu, mantam anaa abusuakuo biara wɔ abosom a wɔgye wɔn die. Abosom a wɔagyɛ din pa ara wɔ Ghanaman yi mu no bi na ɛdidi soɔ yi:

- **Nkranfoɔ:** Dantu, Nae, Klote, La Kpa, ne wɔn a wɔkeka ho.
- **Akanfoɔ:** Kune, Tegare, Nyamaa, Antoa, ne wɔn a wɔkeka ho.
- **Dagomba:** Tambo, ne wɔn a wɔkeka ho.
- Abosom a wɔagyɛ din pa ara ben na wɔwɔ wo kurom?

### Abosomdin ahodoɔ

Wɔgyina gyidie ne ɔsom ahodoɔ so na ɛde abosomdin to nnipa binom. Abosomdin ye edin pɔtee a abusua, kuro, ɔsom anaa nnipakuo bi de to wɔn ho enam twaka a ɛda wɔne abosom no ntam nti.



## Abosomdin ahodoɔ no ho nhwesoɔ

Dee edidi soɔ yi ye Abosomdin ahodoɔ no ho nhwesoɔ a ewɔ Ghanaman mu:

1. Ewefoɔ mmusuakuo no mu baako a ede Anlo a ewɔ Firaw Mantam mu no som bosom bi a wɔfre no ‘Afa’ a ekyere se ɔfiri Onyame ho na ɔsan ye abakan ma anyame ‘Boko’ no din de ‘Amuzu’.
2. Akanfoɔ mu nso, wɔde abosom mmaa ne mmarima din gyina ho ma enna ahodoɔ no. Enam yei nti eda a yede wo obi no tumi nya nsunsuansoɔ wo ne din so. Se ebia, ‘Adwo’ ye ɔbosom a ɔgyina ho ma Edwoada, ne saa nti, wɔde edin ‘Adwoa’ to ɔbaa a yewoo no Edwoada enna se ɔye ɔbarima nso a, wɔto no edin ‘Kwadwo’.

Bobɔ abosomdin ahodoɔ a ewɔ soro ho no mmaako mmaako. Ma wo kyerekyerɛni nti sɛdeɛ wosi bobɔ edin no. Wonim abosom bi a wɔwɔ wo kurom anaa wo mpɔtamu din?

### Abosomdin ahodoɔ abɔsɛɛ

Abosomdin ahodoɔ no da nso firi ɔsom ahodoɔ mu a egyina wɔn a wɔto edin no gyidie ne wɔn amammere so. Se ebia, Ewefoɔ mu no, wɔn abosomdin no abɔsɛɛ ne Yeve (Agradaa Nyame), Akanfoɔ nso nya wɔn abosomdin firi asuo ahodoɔ mu enna Dangmefoɔ nso nya wɔn abosomdin firi ɔbɔadeɛ Nyame ho ne deɛ ekeka ho.

Wonim wo din abɔsɛɛ?

## Deɛ nti a wɔto abosomdin

Wɔgyina nneɛma ahodoɔ so na wɔto abosomdin. Wɔto nnipa bi abosomdin de kyere dwuma a ɔbosom no di anaa ne tumi. Ebi nso gyina mmoa bi a wɔnya firii ɔbosom no ho, ebi nso gyina nnipakuo bi amammere so anaa sɛdeɛ ɔbosom bi si tee.

Bio, se awarefoɔ bi nnya awɔɔ a, wɔkɔ abosom nkyɛn kɔpɛ mmoa. Wɔhye ebɔ na wɔde wɔn ba no to ɔbosom no de di wɔn bɔhye no so.

## Abosomdintoɔ so mfasoɔ

Abosomdintoɔ wɔ nsunsuansoɔ kɛsɛɛ wɔ nnipa ahodoɔ a wɔsom wɔn no abrabo so.

Mfasoɔ ahodoɔ a wɔn a wɔkura abosomdintoɔ no nya wɔ wɔn din no so na edidi soɔ yi:

1. Yede hye wɔn nso. Abosomdin boa ma yehunu ɔbosom pɔtee a onipa no som no ne beaɛɛ pɔtee a onipa no firi.

2. Ekyere twaka a eɗa onipa no ne ɔbosom no ntam.
3. Abosomdintoɔ boa ma amammerɛ ne ɔsom ase tim ne deɛ ekeka ho.
4. Eɗa awofoɔ no gyidie a wɔwɔ wɔ ɔbosom no mu adi.
5. Abosomdintoɔ boa ma deɛ ɔkura abosomdin no nya ahooɗen, ahobammɔ ne honhom mu tumi.

### Dwumadie 6.1

1. Fa w'ankasa nsemfua kyerekyere asemfua 'ɔbosom' mu.
2. Montena baanu baanu, montwerɛ Akanfoɔ edin ahodoɔ edu na monkyere abosomdin ahodoɔ a ewowom.
3. Fa abosomdin ahodoɔ a wohunuie no toto w'afefoɔ a wɔye Akanfoɔ deɛ ho. Kae se wone w'afefoɔ bekye adwene afa wo mmuaeɛ no ho.
4. Wowɔ abusuadin a eye abosomdin anaa? Kyere wo din no abɔsee. Se wonni bi nso a, fa abosomdin a wotwerɛ no wɔ (2) na kyere n'abɔsee.

### Dwumadie 6.2

Fa mmuaeɛ a efata wie epono yi mu dwumadie wɔ bere a woretwerɛ abosomdin enum, wɔn abɔsee ne wɔn dwumadie

	Abusuakuo	ɔbosomdin	N'abɔsee	Ne Dwumadie
1				
2				
3				
4				
5				

### Dwumadie 6.3

1. Kyere senti baako a ema nnipa binom ne abosom ye apam wɔ wo kurom.
2. Twere mfasoɔ mmiensa (3) a wɔnya firi abosomdintoɔ so.

## BRAGORŌ

Saa ōfa yi kasa fa ekwan a yefa so pagya mmabunu kō wōn mpanin mfee so wō bere a yerehwe dwumadie ahodoō a ekō so ansa na wōabegoro bra, bragorō no ankasa enna bragorō no akyi wō nkuro ahodoō so.

### *Nnwennweneho asemmisa:*

Wokae nsakraeē mmiensa (3) bi a ebaa wō wo nipadua mu wō bere a wodii mfee 10 kōsi 14 no?

## Edesn ne Bragorō?

Bragorō ye Akanfoō amammerē bi a wōye de pagya wōn mmaayewa ne mmарimaa kō mpanin mu. Mpen pii no etaa si wō mmaayewa a wōadi mfee 10-14 enna mmарimaa a wōn nso adi mfee 12-16 (Yei nye nokore mma nnipa nyinaa).

## Nsakraeē a eḁa adi wō mmaayewa nipadua mu

Nsakraeē a eḁa adi wō mmaayewa nipadua mu no bi na eḁidi soō yi:

- Wōn sisi akyi tre
- Wōn asere ye akeseē
- Wōn to nso yeye akeseē nkorowankorowa
- Wōbu wōn nsa a eḁi kan
- Wōn nufōō nso yeya akeseē
- Nwi fu wō wōn baa so ne wōn mmōtoam

## Nsakraeē a eḁa adi wō mmарimaa nipadua mu

Nsakraeē a eḁa adi wō mmарimaa nipadua mu no bi na eḁidi soō yi:

- Wōn tadia ne wōn hwoa yeye akeseē
- Nwi fu wō wōn tadia so ne wōn mmōtoam
- Wōn koko ne wōn mmatire yeye akeseē
- Wōn honam mu ntini nso mu ye den
- Wōn enne mu ye duru
- Wōye tenten
- Wōfu abōgyese

Saa nsakraeē ahodoō yi kyere abrabō mu kankō bi a yefre no **Bragorō**.

## Bragorɔ

Bragorɔ yɛ Akanfoɔ amammerɛ bi a wɔyɛ de pagya wɔn mmaayewa ne mmarimaa kɔ mpanin mu. Yei yɛ amammerɛ ne amanneɛ ekɔ wɔ abadintoɔ akyi a epagya no firi mmɔfra mu kɔ mpanin mu.

**Ɛpono 6.1** a ɛwɔ fam ha no kyerekyere edin ahodoɔ a wɔde ma bragorɔ wɔ mmusuakuo ahodoɔ a ɛwɔ Ghanaman mu ha no.

Mmusuakuo	Edin a wɔde ma mmaayewa deɛ	Edin a wɔde ma mmarimaa deɛ
Ewefoɔ	Gbotowɔwɔ/Tugbewɔwɔ	Tudedeasi
Krɔbɔfoɔ	Dipo	
Fantefoɔ	Bragor	
Twifoɔ	Bragorɔ	
Akpafufoɔ	Iseyi	
Nkranfoɔ	Otofo/ Otseɲtse	Plamatsemɔ/ Butrumwɔɔ/Dɛntuwoo
Sissalafɔɔ	-	Baala
Vaglafoɔ		Pellaa

Sen na wɔsi frɛ saa amammerɛ dwumadie yi wɔ wo kasa mu? Wɔyɛ saa amanneɛ yi ma mmaayewa ne mmarimaa? **Ɛdeɛn ne Nnyetom?**

**Nnyetom** yɛ dwumadie anaa nsenkyerenneɛ ahodoɔ a wɔyɛ de ma onipa bi de yi no firi tebea bi mu kɔ tebea foforɔ mu wɔ abrabɔ mu a wɔtaa frɛ no ɔbra kanko. Yɛtumi gye obi tom de no hyɛ adwumakuo sononko bi, kokoam nnwumakuo anaase wɔbɔ obi asu de gye no tom wɔ ɔsom bi mu. Mmom, nnyetom a yereka ho asem wɔ ha no yɛ deɛ yede pagya mmabunu firi mmɔfra mu kɔ mpanin mu.

Ɛkwan a wɔfa so gye obi tom

Ɛkwan ahodoɔ a wɔfa so gye obi tom no da nso firi afoforɔ deɛ ho. Ahoboa ahodoɔ a wɔyɛ ansa na wɔagoro bra, bragorɔ no ankasa ne bragorɔ no akyi na yerebeka ho asem yi.

## Bragorɔ Ntotoho: Deɛ Ɛsese

Ɛkwan a wɔfa so goro mmaayewa bra:

1. *Ansa na wɔbɛgoro bra no mu dwumadie:* Sɛ awofɔɔ hunu nsakraeɛ bi wɔ wɔn mmammaa nipadua mu a, wɔhyɛ aseɛ yɛ ahoboa. Mɛn pii no,

sɛ abaayewa no bu ne nsa aedi kan no a, wɔde no fa saa amammerɛ ne amanneɛ dwumadie ahodoɔ a edidi soɔ yi mu.

- a. Deɛ edi kan no, wɔyi mmaayewa no firi abusuakuo no mu kɔhyɛ baabi siesie wɔn ma bragorɔ dwumadie no.
- b. Mmaayewa no awofɔɔ kɔbɔ mpanimfɔɔ anaase Nsumankwaahene a ɛye n'asɛdeɛ sɛ ɔdi saa dwuma no amanneɛ.
- c. Mmaa mpanimfɔɔ binom a wɔwɔ kuro no mu de asakyima no hyɛ edan mu kyerekyere no wɔn abrabɔ pa ne mmaa awarefɔɔ asɛdeɛ sɛdeɛ ɛbeyɛ a wɔkɔ awareɛ a, wɔbetumi ahwe wɔn efie so yie sɛ ɔyere papa.
- d. Wɔkyerekyere asakyima anaa mmaayewa yi efie dwumadie bi te sɛ aduanna, apra, atomasie, ahonidie ne deɛ ɛkeka ho.
- e. Wɔkyerekyere mmaayewa yi nsaanodwuma bi te sɛ ketɛ nwono, ahweneyɛ, nkukunwono, etiribɔ ne deɛ ɛkeka ho.
- f. Wɔsan sua wɔn kurom dwontoɔ ne asa.
- g. Wɔkyerekyere wɔn mpa so nkitahodie de siesie wɔn ma wɔn daakye akununom.

2. ***Bragorɔ no ankasa mu dwumadie:*** Bragorɔ no ankasa mu no, ɔkɔmfɔɔ no anaa ɔbaapanin no di dwuma ahodoɔ a edidi soɔ yi de gye mmaayewa no tom. Ɔgu nsa de sre ɔɔ ne ahobammɔ firi nananom abosom hɔ ma asakyima no ne bragorɔ dwumadie no. Nsaguo no akyiri no, wɔde wɔn fa honhom mu dwumadie ahodoɔ a edidi soɔ yi mu:

- a. Wɔyɛ honhom mu amanneɛ bi de hwe sɛ mmayewa no mu biara mfaa ɔbarima da. Wɔyɛ yei wɔ bere a wɔma wɔtena ɛbɔɔ tuntum bi so na afei wɔadware asuo mu anaa ɛpo mu ne deɛ ɛkeka ho.
- b. Ɔkɔmfɔɔ no anaa ɔbaapanin no yi mmaayewa no tiri ho nwi nyinaa ma wɔn.
- c. Wɔma asakyima no tena asɛsedwa anaa bɔnwoma so wɔ bragorɔ no mu.
- d. Wɔma wɔn nnuane bi te sɛ bayere tɔ, nkosua ne deɛ ɛkeka ho di.  
Wɔyɛ saa honhom mu dwumadie yi wie a, wɔde Akanfɔɔ afadeɛ te sɛ kente, nhwenepa ne mponporanneɛ ahodoɔ siesie wɔn ho fɛfɛɛfɛ.
- e. Wɔbɔ dwa dataa de hyɛ wɔn animuonyam san de gye wɔn ba mpanin mu.



- f. Wode nhwenepa ne kente a ete apɔ siesie asakyima yi ho wɔ adwabɔ no ase san yiyi wɔn mpokua ne wɔn honam akwaa no bi to so de da no adi ma mmарima hwe gyina so pe wɔn mu bi a wɔbeware wɔn daakye.



**Mfoni 6.1:** yi ye Krɔbɔfoɔ mmaayewa bi a wɔregoro wɔn 'Dipo' na wɔresan dwira wɔn.

Mfoni a ewɔ fam ha yi ye mmaayewa a wɔagoro wɔn bra awie



**Mfoni 6.2.** yi kyere mmaayewa a wɔagoro wɔn bra awie na wode nhwenepa asiesie wɔn ho no bi.

## Bragorɔ no akyi dwumadie

- Bragorɔ no akyi no, mmaayewa a wɔapagya wɔn kɔ wɔn mpanin mfee so no ne wɔn abusuafoɔ ne wɔn nnamfonom kyinkyin kuro no mu kɔdeda ɔmanfoɔ no ase.

- Omanfoɔ no de akyedeɛ ahodoɔ ma wɔn de bɔ wɔn abaso sɛ wɔafa bragoro dwumadie no mu asomdwoeɛ mu. Akyedeɛ ahodoɔ no mu bi ne sika, nhwenepa, ntoma, duku ne deɛ ekeka ho.



**Mfoni 6.3.** yi kyere mmaayewa a wɔagoro wɔn bra awie a wɔde kente asiesie wɔn ho

## Bragoro Ntotoho

Nsonsonoeɛ a eɔa bragoro dwumadie ahodoɔ a ɛwɔ Ghanaman yi mu mmusuakuo mu

Sɛ yede dwumadie ahodoɔ a esese no to nkyen a, yewɔ dwumadie ahodoɔ no bi nso wɔ hɔ a eɔa nso firi afororo deɛ ho. Saa dwumadie no bi na eɔidi soɔ yi.

### Ewefoɔ

1. Sɛ wɔde nnawɔtwe anaa bosome beye bragoro dwumadie bi gyina nnipa anaa botaeɛ a etaa akyire no so.
2. Wɔde mmaayewa a wɔagoro wɔn bra no kɔtena afikyire ma wɔn nnamfonom begoro de gyegyɛ wɔn ani wɔ bereɛ a wɔte afikyire hɔ no.

3. BragorŌ dwumadie mu no, kosua a wŏde ma wŏn die no gyina hŏ ma awŏŏ.

### Krŏbŏfoŏ

1. Krŏbŏfoŏ ye Dipo ma wŏn mmaayewa wŏ bere a wŏn bosombaa Nene Kloweki soma ma wŏde to dwa sŏ obiara a ne ba aso sŏ yegoro no bra no mfa no mmra. Wŏde nnanum na edi saa dwuma yi wŏ Ogyefuo bosome no mu.
2. Ansa na bragorŏ no ankasa bekŏ so no, awofŏŏ de wŏn mmammaa kŏkyere wŏn abusua akŏmfŏŏ a wŏhwe ye ‘Dipo’ no.
3. Bragorŏ ankasa dwumadie mu no, akŏmfŏŏ gu nsa, ye nyankomadee ahodoŏ san yi mmaayewa no tiri ho nwi na wŏde wŏn atena bŏnwoma so ne dee ekeka ho.

### Nkranfoŏ

1. Nkranfoŏ nso ye Otofo de ma wŏn mmammaa wŏ bere a wŏnnyie anaa wŏanyini.

### Akanfoŏ

1. Akanfoŏ nso de nnawŏtwe na edi saa dwuma yi wŏ bere a wŏhye aseŏ Edwoada anaa Benada.
2. Ansa na wŏbŏgoro bra no, wŏde mmaayewa no kŏ ŏhemmaa hŏ ma no ye honhom ne honam mu nhwehwemu fa wŏn ho de hwe sŏ wŏye mmaabunu anaase wŏnnyenyem nso.

Sen na Asantefŏŏ si goro wŏn mmammaa bra?

## Ekwan a yefa goro mmariamaa bra

Ekwan a yefa so goro mmariamaa bra no nye adee etaa kŏ so wŏ Ghanaman mu mmusuakuo ahodoŏ no amammerŏ mu. Mmusuakuo kakra a wŏdi saa dwuma yi bi ne Ewefŏŏ a wŏfrŏ saa amammerŏ ne amannee no “Tudedeeasi”, Sissalafoŏ nso frŏ no Baala, Nkranfoŏ nso frŏ no Plamatsemŏ/Butrumwŏŏ/Dŏntuwoo enna Vaglafoŏ nso frŏ no Pellaa. Bra a wŏgoro ma mmariamaa no ntaa nye adwabŏ ase dwumadie. Nhwesŏŏ, Ewefŏŏ mu no, etuo a wŏde ma abariamaa a wŏregoro no bra no na wŏfrŏ no ‘Tudedeeasi’. Eŏe sŏ ŏde saa etuo yi bŏ n’abusuafoŏ ho ban na ŏsan nso de ye ha.

Akwan ahodoŏ a wŏfa so di saa dwuma yi na edidi soŏ yi;

1. Wŏde abariamaa no kŏsie baabi
2. Wŏkyerekyere no biribi fa mmariamaye, asedeŏ ne mpam agodie ho

3. Wɔpagya mmarimaa no kɔ mpanin mu
4. Wɔhye wɔn den wɔ honhom ne honam mu
5. Wɔkyerekyere wɔn amammerɛ ne amanneɛ nso

Akwani ahodoɔ wɔfa so di saa dwuma yi da nso afiri mmusuakuo ahodoɔ bi deɛ ho wɔ Ghanaman mu ha.

### Bragorŋ so Mfasoɔ

1. Wɔde pagya mmabunu kɔ mpanin mu.
2. Wɔnam so nya nimdeɛ ahodoɔ de bɔ wɔn bra.
3. Wɔde kyere sɛ ɔbabunu bi aso awareɛ
4. Wɔde siesie mmabunu wɔ honhom ne honam mu ma awareɛ.
5. Wɔde kyerekyere mmaayewa ne mmarimaa no subanpa ne abrabɔpa.
6. Wɔde kyerekyere mmabunu no wɔn amammerɛ ne wɔn amanneɛ.
7. Wɔnam so de si mmabunu abrabɔ bɔne ne subammɔne.
8. Enam so ma abaayewa no nya dwetire de bɔ bra daakye.

#### Dwumadie 6.4

Twere edin a wɔde ma bra a wɔgoro de ma mmaayewa ne mmarimaa na wone w'afefoɔ nkye adwene wɔ ho.

#### Dwumadie 6.5

1. a. Montena akuakuo na monhwɛ mfonɔ ahodoɔ no yie na monka wɔn afadeɛ no ho asem. Ka nneɛma a w'ani gye ho wɔ wɔn afadeɛ ahodoɔ no ho asem.



- b. Kyere mfasoɔ a ɛwɔ afadeɛ ahodoɔ a wɔde adi dwuma no mu baako ho asem.



2. Hwe sini a ɛfa Akanfoɔ bragorŏ ho no wɔ ha: <https://www.youtube.com/watch?v=zpTdowLmxN8>.
- ɛdeen na wɔtaa ye *ansa na* bragorŏ no ankasa akɔ so?
  - Hwe sini a ɛfa bragorŏ ho no na ma w'ani nkɔ dwumadie ahodoɔ a wɔye no wɔ bere a wɔregoro bra no ankasa mu ne bragorŏ no akyi.
  - Twere dwumadie mmienu (2) a wohunuu no wɔ sini no mu fa:
    - Bragorŏ no ankasa mu
    - Bragorŏ no akyi
  - Wone w'afefoɔ nkyɛ adwene mfa sini a wohwɛɛ no ho ne titire, nneema a esese ne deɛ ɛda nso fa bragorŏ a ɛkɔ so wɔ Ghanaman mu ha mmusuakuo no mu ho
3. a. Hwe saa mfonɩ yi:



- Gyina deɛ woasua no so na kyerekyere deɛ ɛrekɔ so wɔ mu?

### Dwumadie 6.4

Twere nsonsooeɛ ne deɛ esese mmienu mmienu fa ɛkwan a wɔfa so pagya mmabunu kɔ mpanin mu wɔ Akanman mu ne mmusuakuo mmienu a wɔwɔ Ghanaman yi mu deɛ ho. Wone w'afefoɔ nkyɛ adwene mfa ho.



### Dwumadie 6.5

Se woye obi a woressua Asante Twi kasa yi, twere nneema mmiensa a efa bragorɔ dwumadie no ho a wobere se wobesakra mu anaase ebewo ho na kyere dee nti a woka saa. Wone w'afefoɔ nkye adwene mfa ho.

## MMɔAKYIRE NSEM̄MISA

### MMɔAKYIRE NSEM̄MISA A ɛFA ABOSOMDIN HO

1. Twere abosomdin ahodoɔ enum a nnipa binom de ato wɔn ho se abusuadin wɔ w'abusua ne wo kurom.
2. Twere Akanfoɔ din ahodoɔ enum na kyere wɔn abɔsee.
3. Twere ɔbosombaa bi din na kyere edin ahodoɔ mmiensa a wɔde gyina ho ma no.
4. Kyere dee enti a nnipa binom gye ɔbosom bi tom na wɔde ne din to wɔn mma wɔ wo kurom.
5. Twere mfasoɔ mmiensa a nnipa a wɔkura abosomdin no nya wɔ wɔn din no so.

### MMɔAKYIRE NSEM̄MISA Wɔ BRAGORɔ HO

1. Gyina w'ankasa nteasee so kyerekyere bragoro mu
2. Twere na kyerekyere bragoro so mfasoɔ enum ma wo kuromfoɔ. Aden nti na wohunu se, yeinom ye mfasoɔ?
3. Bragoro dwumadie no fa ben na wobere se wɔsakra mu? Kyerekyere wo mmuaee no mu.

### MMɔAKYIRE NSEM̄MISA NO HO MMUAEE

#### Nsem̄misa a ɛfa abosomdin ho no mmuaee

1. Abosomdin ho nhwesoo ahodoɔ bi (Twere wo mmuaee no wɔ wo kasa mu).  
Abosomdin a nnipa bi de toto wɔn ho se wɔn abusuadin. Nhwesoo:  
Akakpo, Amuzu, Yewenyo, ne dee ekeka ho. (Ewefoo)  
Tano, Afram, Oti, Pra, ne dee ekeka ho. (Akanfoɔ).
2. Abosomdin enum (5) ne wɔn abɔsee wɔ Ghanaman mu ha no bi nie:  
Fa abosomdin enum ne wɔn abɔsee wie ɛpono yi so dwumadie no

	Abosomdin	N'abɔsee	Ne dwumadie
1	Sɛ ebia, Akakpo	'Afa', a ɔye ɔbosom a ɔfiri Onyame ho	Edin a wɔde ma obi ɔsom Afa bosom babarima a ɔdi kan
2	Sɛ ebia, Afram	ɔbosom a wɔde no gyina ho ma ɛda (Benada)	Edin a wɔde ma barima a wɔwoo no Benada
3			
4			
5			

3. Nhwɛsoɔ, Akanfoɔ mu no *Adwo* ye ɔbosombaa.
4.
  - i. Nnipa ne abosom ye apam de pɛ awerɛkyekyerɛ ne ahobammɔ wɔ mmɛrɛ bɔne mu.
  - ii. Wɔnam so de kyere enidie ne ahofama a wɔwɔ ma abosom esiane nnɛpa a wɔye ma wɔn no nti.
  - iii. Wɔde pɛ honhom mu bammɔ.
  - iv. Wɔnam so de di wɔn bɔhyɛ so ne deɛ ɛkeka ho.
5.
  - i. Abosomdintoɔ boa ma yɛhunu ɔbosom pɔtee a saa onipa no som no.
  - ii. Abosomdin boa ma amammɛrɛ ne amannee ase tim.
  - iii. Abosomdin de honhom mu ayɔnkofa bɛto onipa a ɔkura abosomdin no ne saa ɔbosom no ntam.
  - iv. Wɔwɔ gyidie bi sɛ, abosomdin boa ma onipa no nya ahɔden, ahobammɔ ne honhom mu tumi.
  - v. Abosomdin de nkabom sononko ba nnipa ahodoɔ a saa ɔbosom no din da wɔn soɔ no ntam.
  - vi. Abosomdin ahodoɔ a yɛde toto nkyirimma no boa ma amammɛrɛ ne ɔsom ahodoɔ ase tim a ɛnyera da.

# MMŌAKYIRE NSEMISA A ƐFA BRAGORŌ HO NO MMUAƐƐ

- 1.i. BragorŌ yɛ Akanfoɔ amammerɛ bi a wɔyɛ de pagya wɔn mmaayewa ne mmarimaa kɔ mpanin mu.
  - ii. BragorŌ yɛ Akanfoɔ amammerɛ bi a wɔyɛ de pagya wɔn mmaayewa ne mmarimaa kɔ mpanin mu.
  - iii. BragorŌ yɛ dwumadie a wɔyɛ de gye mmaayewa ne mmarimaa tom de wɔn kɔ mpanin mu.
2. BragorŌ so mfasoɔ;
  - i. Ɛhyɛ mmaayewa ne mmarimaa no nkuran ma wɔsua subanpa ne abrabɔpa ne titire ne sɛ, wɔbɛte wɔn ho afiri nna mu nsem ne mperewa nyinsen a ɛde ɔhaw bɛba n'abusua ne ɔman mu no nyinaa so ho.
  - ii. BragorŌ boa ma abaayewa no nya dwetire de bɔ ne bra daakye.
  - iii. BragorŌ boa ma mmabunu hunu wɔn kuromfoɔ amammerɛ ne wɔn amanneɛ na wɔnam so sua ɛkwan a wɔfa so hyɛ ntadeɛ, tweneka, asa ne deɛ ɛkeka ho.
3. BragorŌ dwumadie ahodoɔ no fa a wobɛpɛ sɛ wobɛyɛ nsakraɛ wɔ mu-
  - i. Sukuukoroɔ boa ma mmaayewa no werɛ tumi firi sɛ wɔbɛma wɔgoro wɔn bra. Ne saa nti, ɛsɛ sɛ wɔgoro saa mmaayewa yi bra ansa na wɔahyɛ sukuu ase.
  - ii. Ɛsɛ sɛ mpanimfoɔ a wɔhwɛ ma wɔgoro bra no te nna dodoɔ a wɔde goro bra no so.
  - iii. Kosua a wɔmɛne no bɛtumi de ɔhaw abre mmaayewa no. Ne saa nti, wɔnyɛ nsakraɛ wom.
  - iv. Mmaayewa no nufɔɔ a wɔyiyi to soɔ no bɛtumi ama onipa bɔnefoɔ bi adi wɔn bɔne. Ɛho hia sɛ wɔkata wɔn ho yie.

## REFERENCES

1. Agyekum, K. (2006). The sociolinguistic of Akan personal names. *Nordic Journal of Akan studies* 15(2) 206-235.
2. Nukuknya, G.K. (2007). *Tradition and change in Ghana: An introduction to sociology*. Ghana Universities Press.
3. Twumasi, K.D. & Adade, C. (2019). *Social studies in scope for JHS 1-3*. Kinddeh.



# ACKNOWLEDGEMENTS



Ghana Education Service (GES)

